



МОНГОЛ УЛС
БАЯНХОНГОР АЙМГИЙН ЗАСАГ ДАРГЫН
ЗАХИРАМЖ

2024 оны 02 сарын 27 өдөр

Дугаар А/117

Номгон

Г Ой, хээрийн гал түймрээс урьдчилан 7
сэргийлэх талаар авах зарим арга
хэмжээний тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, Гамшгаас хамгаалах тухай хуулийн 32 дугаар зүйлийн 32.1.1, Ойн тухай хуулийн 17 дугаар зүйлийн 17.2.1, 17.2.6, Сангийн сайдын 2021 оны 61 дугаар тушаалаар батлагдсан Засаг даргын нөөц хөрөнгийн зориулалт, зарцуулалтын нийтлэг журмын 2.1.1, Улсын Онцгой комиссын 2024 оны Ой, хээрийн түймрээс урьдчилан сэргийлэх, тэмцэх зарим арга хэмжээний тухай 02 дугаар албан даалгаврыг тус тус үндэслэн ЗАХИРАМЖЛАХ нь:

1.Хуурайшилтын улирал эхэлж ой, хээрийн гал түймэр гарах эрсдэл өндөртэй ойн сан бүхий газрыг хамгаалах зорилгоор иргэдийн амралт, аялал, зугаалга болон тээврийн хэрэгслийн хөдөлгөөнийг 2024 оны 3 дугаар сарын 21-ний өдрөөс 6 дугаар сарын 10-ны өдрийг хүртэл, 9 дүгээр сарын 20-ны өдрөөс 11 дүгээр сарын 10-ны өдрийг хүртэл түр хугацаагаар хориглосугай.

2.Ой, хээрийн гал түймрээс урьдчилан сэргийлэх арга хэмжээг зохион байгуулах ажлын төлөвлөгөөг нэгдүгээр, шаардагдах зардлын тооцоог хоёрдугаар хавсралтаар тус тус баталсугай.

3.Ой, хээрийн гал түймрээс урьдчилан сэргийлэх ажлыг төлөвлөгөөний дагуу зохион байгуулж, хяналт шалгалтыг эрчимжүүлэн сумдын сайн дурын хэсгийг холбогдох мэргэжлийн байгууллагуудтай хамтран гал түймэр унтраах чиглэлээр сургалт, дадлага, зохион байгуулж чадавхжуулан бэлтгэл бэлэн байдлыг хангуулж ажиллахыг; Баян-Овоо сумын Засаг дарга (Ж.Хатанбаатар), Галуут сумын Засаг дарга (А.Батбаяр), Гурванбулаг сумын Засаг дарга (Э.Жавхлан), Заг сумын Засаг дарга (М.Батбаяр), Жаргалант сумын Засаг дарга (Д.Мөнхжаргал), Жинст сумын Засаг дарга (Р.Батжаргал), Өлзийт сумын Засаг дарга (Т.Эрдэнэбат), Эрдэнэцогт сумын Засаг дарга (Д.Цэвэгдорж) нарт;

4.Аймгийн нутаг дэвсгэрт гарсан ой хээрийн түймрийн шалтгаан нөхцөл, эзэн холбогдогчийг шуурхай илрүүлэн, ойн сан бүхий газарт явганаар болон тээврийн

хэрэгслээр нэвтрэх иргэдийн хөдөлгөөнд хяналт тавьж, хөдөлгөөнт эргүүл гарган ой, хээрийн түймрийн чиглэлээр гарах хэрэг зөрчлөөс урьдчилан сэргийлж ажиллахыг аймгийн Цагдаагийн газар (цагдаагийн дэд хурандаа Б.Мөнхбаяр)-т;


5. Аймгийн нутаг дэвсгэрт ой хээрийн түймэр гарсан тохиолдолд гал түймэр дээр ажиллах хүн, хүч шаардагдах техник, багаж хэрэгслээр дэмжлэг үзүүлж ажиллахыг Зэвсэгт хүчний 339 дүгээр анги (хурандаа Ц.Батхүү)-д;


6. Ойн сан бүхий газарт үйл ажиллагаа явуулж буй амралт, аялал жуулчлалын газрууд, сумдын Засаг даргын Тамгын газруудтай хамтран иргэдийг ойн сан бүхий газарт аялал зугаалгаар явуулахгүй байх, анхааруулга сэрэмжлүүлгийг тогтмол өгч мэдээллээр ханган урьдчилан сэргийлэх үйл ажиллагааг зохион байгуулж ажиллахыг;

7. Ой хээрийн түймрээс урьдчилан сэргийлэх зорилгоор ойн сан бүхий газарт авто тээврийн хэрэгсэл нэвтэрч болох газруудад зурвас шуудуу гарган, автомашины саад, сэрэмжлүүлэх самбаруудыг нэмэлтээр байрлуулахыг Байгаль орчин, аялал жуулчлалын газар (Э.Ганзориг) нарт тус тус үүрэг болгосугай.

8. Ой, хээрийн гал түймрээс урьдчилан сэргийлэх, тэмцэх ажлыг зохион байгуулахад шаардагдах 1.012.000 (нэг сая арван хоёр мянга) төгрөгийг Засаг даргын нөөц хөрөнгөөс гаргахыг аймгийн Засаг даргын Тамгын газрын дарга (Д.Энхжаргал)-д зөвшөөрсүгэй.

9. Ой, хээрийн түймэр унтраах хүн, техник хэрэгслийн бэлэн байдлыг хангуулан, удирдлага зохион байгуулалтаар ханган, захирамжийн хэрэгжилтэд хяналт тавьж ажиллахыг Онцгой байдлын газрын дарга (хурандаа Ж.Алтангэрэл)-д даалгасугай.

ДАРГА  Д.МӨНХСАЙХАН



Аймгийн Засаг даргын Тамгын Газрын Дугаар сарын
...-ны өдрийн ... дугаар захирамжийн
нэгдүгээр хавсралт

ОЙ, ХЭЭРИЙН ТҮЙМРЭЭС УРЬДЧИЛАН СЭРГИЙЛЭХ БЭЛТГЭЛ БЭЛЭН БАЙДЛЫГ ХАНГАХ ТӨЛӨВЛӨГӨӨ

Д/д	Хийгдэх ажил	Хугацаа	Хариуцах байгууллага албан тушаалтан
1	2	3	4
1	“Ой, хээрийн гал түймрээс урьдчилан сэргийлэх” Баянхонгор аймгийн ажиллах төлөвлөгөөг боловсруулан аймгийн Засаг даргаар батлуулах.	2024.02.16-ны дотор	Онцгой байдлын газрын дарга хурандаа Ж.Алтангэрэл
2	“Ой, хээрийн гал түймрээс урьдчилан сэргийлэх” хамтран ажиллах төлөвлөгөөг үндэслэж аймгийн Засаг даргын захирамжийг гарган хэрэгжилтэд хяналт тавин ажиллах.	2024.02.16-ны өдөр	Онцгой байдлын газрын дарга хурандаа Ж.Алтангэрэл
3	Орон нутгийн хэмжээнд ой, хээрийн гал түймрээс урьдчилан сэргийлэх үйл ажиллагааг төлөвлөх, зохион байгуулах, хэрэгжүүлэхэд төрийн байгууллага, нутгийн өөрөө удирдах, нутгийн захиргааны байгууллага болон хуулийн этгээд, иргэдийн оролцоог уялдуулан зохицуулах.	2024.02.20-2024.06.10 2024.09.20-2024.11.10	Цагдаагийн газрын дарга, Цагдаагийн дэд хурандаа Б.Мөнхбаяр Байгаль орчин, аялал жуулчлалын газрын дарга Э.Ганзориг, Сумдын Засаг дарга нар
4	Онцгой байдлын байгууллагын нийт бие бүрэлдэхүүний ой, хээрийн гал түймэр унтраах, автомашин тоног төхөөрөмж, багаж хэрэгслийн бэлтгэл бэлэн байдлыг хангах.	2024.02.20-2024.06.10 2024.09.20-2024.11.10	Онцгой байдлын газрын дарга, хурандаа Ж.Алтангэрэл
5	Ой хээрийн гал түймрийн нөхцөл байдал хүндэрсэн үед алба, мэргэжлийн анги нутгийн иргэдийг татан оролцуулах, тэдгээрийг мэргэжлийн удирдлагаар хангаж, шаардлагатай тохиолдолд	Тухай бүр	Онцгой байдлын газрын дарга, хурандаа Ж.Алтангэрэл

1	2	3	4
	дайчилгаа явуулж, урьдчилан сэргийлэх, авран хамгаалах, унтраах ажлыг нэгдсэн удирдлага, бодлого, зохион байгуулалтаар хангах, гал түймрийн улсын хяналтыг хэрэгжүүлэх ажлыг зохион байгуулах.		
6	Ойн тухай хуулийн 16 дугаар зүйлийн 16.1.1-д заасныг хэрэгжүүлэн ой хээрийн гал түймрийн шалтгаан, эзэн холбогдогчийг тогтоох, энэ тухай холбогдох мэдээллийг Баянхонгор аймгийн Онцгой комисст танилцуулах. Ойн тухай хуулийн 16 дугаар зүйлийн 16.1.2-д заасныг хэрэгжүүлэн ой хээрийн гал түймрийн аюултай үед ойд зорчих, иргэд, тээврийн хэрэгслийн хөдөлгөөнт хяналт, шалгалтын цэг ажиллуулах.	2024.02.20-2024.06.10 2024.09.20-2024.11.10	Цагдаагийн газрын дарга, дэд хурандаа Б.Мөнхбаяр
7	Онцгой байдлын ерөнхий газрын дарга, Цагдаагийн ерөнхий газрын даргын 2017 оны 01 дүгээр сарын 16-ны өдрийн А/16, А10 дугаар хамтарсан тушаалаар батлагдсан объектын болон ой, хээрийн гал түймрийн үед хамтран ажиллах журмыг хэрэгжүүлэх.	2024.02.20-2024.06.10 2024.09.20-2024.11.10	Цагдаагийн газрын дарга, дэд хурандаа Б.Мөнхбаяр
8	Онцгой байдлын байгууллагатай хамтран хил орчмын ой, хээрийн гал түймэртэй тэмцэх чиглэлээр сургалт зохион явуулж, бие бүрэлдэхүүнийг шаардагдах техник багаж хэрэгслээр хангах.	2024.02.20-2024.06.10 2024.09.20-2024.11.10	Зэвсэгт хүчний 339 дүгээр цэргийн ангийн захирагч, хурандаа Ц.Батхүү
9	Ой хээрийн гал түймрийг унтраах, алба хаагч нарыг нэмэлтээр томилж, хүч нэмэгдүүлэх.	Тухай бүр	Зэвсэгт хүчний 339 дүгээр ангийн захирагч, хурандаа Ц.Батхүү
10	Зөрчил шалган шийдвэрлэх тухай хуулийн 1.8 дугаар зүйлийг 6.10 7.9 дүгээр зүйлийн 7 дахь, 7.9 дүгээр зүйлийн 10 дахь хэсэгт заасныг зөрчиж ойн тухай хуулиар тогтоосон шаардлагыг биелүүлээгүй хүн, хуулийн этгээдэд хариуцлага тооцож 02 албан даалгаврын биелэлтийг ханган ажиллах..	2024.02.20-2024.06.10 2024.09.20-2024.11.10	Байгаль орчин, аялал жуулчлалын газрын дарга Э.Ганзориг
11	Ой хээрийн гал түймрээс урьдчилан сэргийлэх зорилгоор ойн арчилгаа, цэвэрлэгээ, нөхөн сэргээлт хийх, хамгаалалтын шороон болон ойн зурвасыг сэргээх, шинээр нэмж хийх, сумдын Засаг дарга нарын оролцоотой ажлыг зохион байгуулж ажиллах.	2024.02.20-2024.06.10 2024.09.20-2024.11.10	Байгаль орчин, аялал жуулчлалын газрын дарга Э.Ганзориг Сумдын Засаг дарга нар

1	2	3	4
12	Ой хээрийн нөхцөл байдал хүндэрч 14 хоногоос дээш хугацаагаар ажиллаж, аймгаас нэмэлт хүн хүч, дайчлан ажиллах үед бие бүрэлдэхүүний эрүүл мэндийг хамгаалах зорилгоор эмнэлгийн баг томилуулан ажиллуулах.	2024.02.20-2024.06.10 2024.09.20-2024.11.10	Эрүүл мэндийн газрын дарга Н.Энхжаргал
13	Ой, хээрийн түймрээс урьдчилан сэргийлэх талаар сумын Засаг даргын захирамжийг гарган ой, хээрийн түймэр гарах эрсдэл бүхий нутаг дэвсгэрт захирамжийн хугацаанд хөдөлгөөнт эргүүл, хяналт шалгалтын цэг ажиллуулж, иргэд байгаль хамгаалагчдын оролцоотой морин эргүүл зохион байгуулах.	2024.02.20-2024.06.10 2024.09.20-2024.11.10	Сумдын Засаг дарга нарт
14	Сумдын Засаг дарга нар захирамжийн хугацаанд хуурайшилтын нэн аюултай зэрэгт хүрсэн ойн сангаас мод бэлтгэх, ойн дагалдах нөөцийг ашиглах, аялал зугаалгаар явах, ногоон бүсэд олон нийтийг хамарсан үйл ажиллагаа явуулахыг хориглосон захирамж гаргаж, хэрэгжилтэд хяналт тавьж олон нийтийн мэдээллийн хэрэгслээр мэдээлж, сурталчлах.	2024.02.20-2024.06.10 2024.09.20-2024.11.10	Сумдын Засаг дарга нарт
15	Сумын гамшгаас хамгаалах төлөвлөгөөг тодотгож ой, хээрийн түймэр унтраах чиглэл бүхий 12-оос доошгүй хүний бүрэлдэхүүнтэй сайн дурын галын хэсэг байгуулж, сургалт, дадлага зохион байгуулан шаардагдах багаж хэрэгслээр хангаж ажиллах.	2024.02.20-2024.06.10 2024.09.20-2024.11.10	Сумдын Засаг дарга нарт
16	Ой, хээрийн түймэр унтраах багаж хэрэгслийг сум тус бүр бэлтгэн ашиглахад бэлэн байлгаж, гал түймэр унтраах багаж, хэрэгслийн судалгааг аймгийн Онцгой комисст хургуулэх.	2024.02.20-2024.06.10 2024.09.20-2024.11.10	Сумдын Засаг дарга нарт
17	01 дүгээр албан даалгаврын биелэлтэд хяналт тавьж, мэдээ тайланг 06 дугаар сарын 10, 11 дүгээр сарын 18-ны өдөр тус тус Байгууллагын дарга, сумдын Засаг дарга нар Онцгой байдлын газарт ирүүлж мэдээ тайланг нэгтгэж аймгийн Онцгой комиссын даргад илтгэх хуудсаар танилцуулна.	2024.02.20-2024.06.10 2024.09.20-2024.11.10	Байгууллагын дарга захирал, эрхлэгч нарт

Аймгийн Засаг даргын *М.С. Онов* 8 дугаар сарын *27* ны
 өдрийн *АМЧ* дугаар захирагчийн хөёрдугаар хавсралт



**ОЙ, ХЭЭРИЙН ТҮЙМРЭЭС УРЬДЧИЛАН СЭРГИЙЛЭХ АРГА
 ХЭМЖЭЭНИЙ ТӨСВИЙН ЗАДАРГАА**

А. ШАТАХУУН

д/д	Сумын нэр	хугацаа	Техник (нэгж)	Туулах зам (км)	Шатахуун норм (АИ-92)	Зарцуулах шатахуун	Үнэ /төгрөг/	Нийт /төгрөг/
1	2	3	4	5	6	7	8	9
1	Жаргалант	5 дугаар сар	Hanter 78-00 БНН	1000 км	20л	200л	2530	506.000
2	Галуут							
3	Баян-Овоо							
4	Заг							
5	Эрдэнэцогт	8 дугаар сар	Hanter 78-00 БНН	1000 км	20л	200л	2530	506.000
6	Өлзийт							
7	Баянхонгор сумын Шаргалжуут 8 дугаар баг							
8	Гурванбулаг							
9	Нийт дүн			2000 км	20л	400 л	-	1.012.000

Б. НЭГДСЭН ЗАРДЛЫН ТООЦОО

д/д	Зардлын нэр	Мөнгөн дүн
1	Шатахууны зардал	1.012.000
2	НИЙТ ДҮН	1.012.000